

Broj: 03-02-1122/2025
Sarajevo, 30.09.2025. godine

**PARLAMENT FEDERACIJE
BOSNE I HERCEGOVINE**

- Dom naroda -
gosp. Tomislav Martinović, predsjedavajući ✓

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO** ³

Primljeno: 30-09-2025			
Org. jed.	Broj	Priloga	Vrijednost
02	- 02 -	1286	125

PREDMET: Mišljenje Vlade Federacije Bosne i Hercegovine o Prijedlogu zakona o izmjeni i dopuni Zakona o budžetima u Federaciji Bosne i Hercegovine – skraćeni postupak

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama čl. 164. i 172. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09, 24/20 i 60/24), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o izmjeni i dopuni Zakona o budžetima u Federaciji Bosne i Hercegovine, koji je po skraćenom postupku predložio Amir Orlović, delegat u Domu naroda Parlamenta Federacije Bosne i Hercegovine, a koje je utvrdila Vlada Federacije Bosne i Hercegovine na 60. sjednici, održanoj 29.09.2025. godine.**

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

Co: Federalno ministarstvo finansija –
Federalno ministarstvo financija
gosp. Toni Kraljević, ministar

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 51. Poslovnika o radu Vlade Federacije Bosne i Hercegovine – Prečišćeni tekst – („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama čl. 164. i 172. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09, 24/20 i 60/24), nakon razmatranja Prijedloga zakona o izmjeni i dopuni Zakona o budžetima u Federaciji Bosne i Hercegovine, koji je po skraćenom postupku predložio Amir Orlović, delegat u Domu naroda Parlamenta Federacije Bosne i Hercegovine, Vlada Federacije Bosne i Hercegovine je na 60. sjednici održanoj 29.09.2025. godine, utvrdila

MIŠLJENJE

Ne prihvata se Prijedlog zakona o izmjeni i dopuni Zakona o budžetima u Federaciji Bosne i Hercegovine - skraćeni postupak

Obrazloženje

Poslovníkom o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21) jasno je definisana uloga Federalnog ministarstva finansija, koje ima nadležnost da razmatra i daje mišljenje u odnosu na finansijska sredstva potrebna za provedbu propisa, kako su ista prikazana u fiskalnoj procjeni propisa ili akta planiranja.

Obrađivač propisa je u obavezi da identifikuje i obrazloži postojanje ili nepostojanje fiskalnog efekta, kao i njegovu prirodu i obim, s obzirom na sam sadržaj propisa koji se predlaže i cilj koji se istim želi postići.

U tom kontekstu, smatramo neprikladnim i institucionalno nelogičnim da Federalno ministarstvo finansija istovremeno izrađuje fiskalnu procjenu propisa i daje mišljenje na isti propis i prateću fiskalnu procjenu.

Također, sam naziv „Prijedlog zakona o izmjeni i dopuni Zakona o budžetima u Federaciji Bosne i Hercegovine“ - skraćeni postupak, nije nomotehnički uređen u skladu sa Pravilima i postupcima za izradu zakona i drugih propisa Federacije Bosne i Hercegovine („Službene novine Federacije BiH“, broj: 71/14), jer sadrži samo dopunu zakona, ali ne i izmjenu zakona.

Uzimajući u obzir navedeno, Vlada Federacije Bosne i Hercegovine **ne prihvata** Prijedlog zakona o izmjeni i dopuni Zakona o budžetima u Federaciji Bosne i Hercegovine - skraćeni postupak.

V. broj: 1510/2025
29.09.2025. godine
Sarajevo

